

BROP GUISTS NE PQUIAA JUAN

¡Diuzh to grëse to!

¹ Laa tib zhagol rii rxeeł tib guits rii ziaad lo to i, ne nac to zha ne no xnëz Jesús. Dios bzooblo to, bredz me to ne laa to ngab xnëz me.

Ne nlipaa rleynie naa to gon, ni led naadsegaa, sinque ye grëraa zha ne ruñbey diidzli ne nac Xtiidz Dios. ² Rleynie no to sacne tibaque nac diidzli ne rliladz ne, ni tsod dze ne csaan new.

³ Dios ni Jesús men ne nac Xpëëd me, me glu ganle pa lotaa noxco me to, zeena peet tsienied guic to, ni yquia zdoo me to; ni zuñpaa mew, sac rleyniedox me to.

⁴ Ne nlipaa gon bleydoo naa zeeñe gon naa nzian zha ne nocaania Xtiidz Dios i, noxco zho mban zho zigne nacpaa diidzli; zigne rnabey Dios men ne nac Pxoz ne.

⁵ Bets, bzian, laa naa rnab lo to, golgotsaa gleynie ne samiech ne. Guiabd ne togo ncub miñe rne naa lo to nu gun to; sac gon, lëëquew ga bdzion ne zeeñe psilo bliladz ne Xtiidz Dios. ⁶ Telne nli rleynie ne Dios, dzigo none gban ne zigne rnabey me; gacxe waa, none niowse gban ne, iñe gleynie ne samiech ne, sac gon miñ co rnabey me.

⁷ Ndal zha ne quianzë lo guidzliu niina, noquidie zho miech, rnee zho nlid goc Jesús zig tib miech zeeñe biaad me lo guidzliu. Nsin golso lo zho, sac gon notsidil zho miñe nac diidzli ga, rlëënie zho Jesús ga sca ruñ zho. ⁸ Golguien, ib gdeete to diidz

guiaadquidie zho to, zeeṇa dziin ne quiayuṇ to i gacda zhłëse. Gołtsoxco tiblique golgac, zeeṇa ygaat to grëtaa guielnzaac ne no gneedz Dios lo to. ⁹ Sac gon, zha ne csaan miṇe nacpaa zhiwseed Jesús, led xnëzdraa Dios ga no zho; ni scagaa, zha ne zienalpaaw zigne naca, zha cosi xnëz Dios ga, xnëz Xpëēd me Jesús ga no zho. ¹⁰ Gacxe waa, zha ne guiaad lo to i ni tel ziaadnied zho wseed ne nacpaa Xtiidz Jesús, ycaaniade to zho. Ib gdeete to lidz to cuëz zho, ib tsode to gnee to pe diidz ne csaṇnziuu to zho; ¹¹ sac telne sca gun to, rrieequia yele to rleynie grë zhiwseed yozh zho ga.

¹² Ndal grë ncuaaṇe no gne naa lo to, per racladzd naa gzet naaw lo guits rii. Laa guic naa no guialgaṇ naa to i, dzigo mazd hor co naazhal gnew lo to; zeeṇa nroob guielbley ne dzio ne grë ne.

¹³ Grë zha rii, zha ne bzooblo Dios bredz me zigne bredzaque me to bzëēb to xnëz me, laa zho rxeeł bdiuzh lo to grëse to.

Juan

**Diidz ne rdeed guielmban
New Testament in Zapotec, Mixtepec
(MX:zpm:Zapotec, Mixtepec)**

copyright © 1998 Wycliffe Bible Translators, Inc.

Language: Mixtepec Zapotec (Zapotec, Mixtepec)

Translation by: Wycliffe Bible Translators, Inc.

Zapoteco, Mixtepec [zpm], Mexico

Copyright Information

© 1998, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Zapotec, Mixtepec

© 1998, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-16

PDF generated using Haiola and XeLaTeX on 11 Nov 2022 from source files
dated 29 Jan 2022
5317ca58-7555-5e4c-a420-e1e9210e2df2